

柳邊紀略卷之五

山陰耕夫楊賓

述懷五百字留別吳門諸同學

憶昔居安城髮覆纔半額舉止異常兒父母爭憐惜
自謂守青緇終身寄篇籍薄有良田疇東西免怵迫
孰知生不辰風波蕩几席悲哉我二人家破投蠻貊
道遠八千里冰堅五六尺關雲片片黃塞草荒荒白
平生未出門出門乃跼蹐不復見中原焉能得安宅
猶記送行時舟泊姑蘇驛大母慘不言仲父相扶掖

柳邊紀略

五

一

宛轉就母懷倉皇竟無策牽衣哭一聲寸寸肝腸礫
弟妹年更小但聞語嘖嘖我尙無所知彼亦何足責
仲父養軍中不作溝中瘠車騎有香囊仲郢無牙笏
春冬搦管書秋夏彎弓射覆巢賴有此亦足安魂魄
蹉跎八九年仲父復易簣故鄉未得歸大母垂黃髮
極北望我父血流雙眼赤縱有斷鴻飛奈此重關隔
可憐七尺軀悵悵何所適從茲事硯田長作吳中客
愧乏濟川才又非淩風翮謬辱諸賢豪謂可傾肝膈
班荆多贈縞盤飧或寘璧借以供大母庶幾慰日夕

而乃天不弔大母溘焉沒客路挽靈車家山謀窆窆
窆窆復踟躕甯忍聞沙磧恐我父母知老年傷踊擗
終念此大事敢用私情格所賴有季弟晨昏強寬釋
同氣有三人季不離親側大母在堂時仲亦關東役
嗟予獨何人廿載情空劇贖罪少黃金鳴冤須肺石
天子昨南巡願以身代謫鑾輿已垂問鞭撻仍遭斥
自歎一男兒遇事能擘畫翻不若緹縈上書傳史冊
歲月如逝波轉眼已非昔更不省庭闈生子誠何益
結束新征衣包裹舊巾幘揮手別親朋灑淚辭叔伯

柳邊紀略五

二

蕭蕭白日寒渺渺雲山碧誰云道路長今日乾坤窄

留別顧景范

少小畏京師人情苦莫測今年塞上行經過一太息
騎驢朝出門暮歸何所得風塵雙眼眯怵迫徒終日
親故豈無人高舉不可卽十往九不面一面有德色
以茲傷我懷多君用意密班荆道路閒贈綺復推食
綢繆當未雨勸誠防差忒凡意所欲爲莫不殫精力
豈投漆與膠不必須舊識亦以久神交信果俱可必
君誠管樂才百慮鮮一失處則比臥龍出則成羽翼

賓也何所知終歲但愁疾骨月且不保安能更捫虱
具區千頃波洋洋近衡泌七十二高峯峯峯可種橘
他時入玉門期君同築室靈威迹匪遙好問長生術

題沈慎言扇上畫桃慎言時正出塞

不信元都樹今朝塞上來枝從毫末辨花自扇頭問
春色飛龍磧芳名到蝎臺莫愁霜露溼根柢在蓬萊
金赤蓮姜日干沈慎言朱端士爾登招飲燕山
客舍時余將出塞門卽席賦別

男兒生不得其所七尺堂堂若腐鼠蓬頭赤腳走邊

柳邊紀略五

三

關撲面黃沙無一語諸君乃不嫌我真相逢客舍能
相親激昂慷慨髮上指高歌擊筑旁無人襍坐班荆
燕市口沈李浮瓜不去手葡萄架上白日斜欲起不
起恐被肘尊中酒是故園來不飲亦須三百杯殷勤
一片家鄉語誰云此是黃金臺秋風颯颯吹南陌虎
脊河邊冰幾尺短衣明日獨長征回首今朝雙眼赤

夜坐

細雨消殘暑微風送薄涼秋聲乾木葉夜氣溼衣裳
冰雪行將至關山去正長那堪燕市口愁坐聽鳴鶯

別張豐村依贈行原韻

庭闈萬里隔重關省覲甯知慘客顏冰合馬嘶楊柳
渡月明人過樺皮山直因溫清離鄉國不是周流好
轍環安得回天君有力金雞早放老親還

歸來行送友人之延平

閩中之山頗率率能罷虎豹如人立閩中之水極盤
渦上灘下灘蛟龍多我輩勞生固其職君亦安能早
休息獨念今朝赴七閩行過家門不得入若邪溪水
淺綆短亦可汲雲門花木深鷓鴣嘯春日早歸來山

柳邊紀略五

四

田熟後漁舟出草閣斜陽秔稻香煙波細雨綸竿溼

發燕山

西風乾木葉原野變顏色征人別所知去去燕山北
省覲亦其常我獨何偏仄春明發故園秋乃辭京國
豈曰哭窮途蹭蹬至此極亦以走邊庭徒旅不可得
羽箭逐莊頭腰刀隨戍卒渾脫取其溫駑駘借其力
冰霜不畏寒崎嶇亦可出縱復隔關山凌風有羽翼

豐潤縣逢高麗使者

豐潤城西曉色開方袍一隊逐龍媒道旁人說高麗

使著得先朝舊服來

望首陽山

垂鞭信馬蹏平沙入孤竹孤竹傳者誰二子伯與叔
讓國久無家東海留芳躅豈至采薇時不食還鄉曲
而以首陽名專號茲山麓清風詎可攀廟貌隨時俗
俎豆縱千秋不飽他人粟我來大道旁日暮仍馳逐
安得拜衣冠細摸殘碑讀

次榆關

西風吹落木斜日滿羣山白板新官舍黃榆舊漢關

柳邊紀略

五

五

前車行欲止我馬去仍還投宿知何處柴門一水閒

山海關

東海邊頭萬仞山長城猶在白雲閒烽煙不報中和
殿鎖鑰空傳第一關大漠雪飛埋戰骨南天雨過洗
刀環漢家豐沛今遼左鐵馬金戈歲歲閒

出關

誰道車書是一家關門依舊隔中華已看文字經重
譯更裂軍繻過五花草木蕭蕭歸野燒乾坤漠漠老
荒沙庭闈直在黃龍北日暮愁聽塞上笳

悽惶嶺

山海關前日色昏風塵況復暗乾坤不堪更上悽惶嶺雙袖橫流血淚痕

姜女祠

凜凜望夫石上有姜女祠姜女伊何人廟貌永不移風霜透巾幘冰雪老容姿乾坤厯萬劫血淚猶雙垂守險本在德長城亦何爲一哭且莫當安能保邊陲今朝過其下驅馬獨遲遲歎息秦皇帝不若一蛾眉

前衛

柳邊紀略

五

六

一片平沙裏荒荒百雉城市朝從此變衛所亦空名白草翻新屋黃雲壓舊營邊庭今不戰無復鼓鼙聲望海店

遼海出長城出關已了了望之欲無遺莫若茲山好積水遠何極分流猶浩淼風翻白日低浪動乾坤小南疑析木偏東覺扶桑曉蜃樓遇且難況識蓬萊島余本海濱人小小縱臨眺今日出邊庭乃復行其杪一葦直可杭鞭石苦不早安得乘長風往復如飛鳥

杏山

昨日望滄海飄飄若神仙今日過杏山嘆息臨風前
遼陽多險要此更其喉咽同行一老革爲我語便便
太祖昔建國鐵騎來三千掘壕困其外蹤迹猶依然
百戰僅乃破流血增平川殺戮盡雞狗誰能保一椽
六刀既已沒指劉好李名空傳指李不見長城壞萬
里銷烽煙如松

小凌河

日暮風蕭蕭平沙水瀾瀾立馬飲長流鳧鷗驚欲起
清徹鑿須眉曲折游魴鯉誰道若耶溪煙波勝於此

柳邊紀略五

七

大凌河

小凌清且淺大凌莽滔滔輿梁尙未成舟楫亦徒勞
不若策駑馬聊試涉波濤忠信吾所具執轡何哀號
秋冬河正涸深不滿一篙但得登彼岸四顧求其曹

十三山

遼西嶺萬里戴土皆平衍獨有十三山石骨開生面
削疑斧鑿工畫敵丹青善峯峯插煙霄縹緲窮萬變
崩奔類馬馳離立如人戰或利若金刀或直若羽箭
雲氣倏有無日色遞隱見洞口失金牛下有金牛洞潭側

鳴孤雁

上有潭

胡嶠記頗詳蔡珪詩亦羨予特過其旁

一一爲數徧

渡遼河

出關數百里渡河日八九小者不知名大者此其右
發源自東北汨汨西南走清流可濯纓濁或泥數斗
蕩溢起波濤觸石聲如吼汎濫過平沙汪洋十餘畝
聞道枸柳河水堅八月後今年天亦寒所遇何獨否
獨木一扁舟三人亦可受篙使橫索錢安能落吾手
淺瀨褰裳衣呀坑沒馬首登岸乃獨悲魚鼈幾爲友

柳邊紀略

五

八

老邊道中

老邊牆外草蕭蕭千里風煙合大遼保障人曾看舊
制提封誰復記前朝經過婦女多騎馬遊戲兒童解
射鷗自笑書生行未慣黃沙撲面已魂銷

次開原縣

風捲平沙薦草齊夫餘城上夕陽低葡萄酒禁誰能
醉苜蓿場空馬自嘶郡縣未分威遠北人家多住塔
山西明朝更出條邊口朔雪塞雲處處迷

出威遠邊門

黃沙漠漠暗乾坤威遠城頭欲斷魂蘆管一聲催過
客柳條三尺認邊門亂山雪積人煙絕老樹風回虎
豹蹲從此征鞍隨獵馬東行夜夜宿雲根

火燒嶺曉發

邊外鳴雞少輕裝逐塞翁馬行殘月下人語亂山中
鬚爲冰花白顏因皴瘃紅庭闈猶未達不敢畏途窮

葉赫行

柳條邊外九十里葉赫河頭道如砥荒荒草沒兩空
城一在山腰一近水同行塞上翁回鞭指故宮自云

柳邊紀略

五

九

葉赫王家子不與尋常六角同地廣兵強稱大國老
城本在河東北前代羈縻三百年累朝賜出黃金勒
中葉參商兄弟爭操戈沒羽傷同室土地人民自此
分新城更築南山側臂鷹走馬刷煙岡醉酒徵歌瓦
子堂可憐國事由宮禁亡卻新城舊亦亡

太祖恩深分左右一門子姓皆奔走予父猶能架海
青姓名曾著鷹坊首鷹坊本未入鷓班只在長楊五
柞間天潢一派從龍者誰識王孫舊日顏五六年來
行虎脊經過每見漸漸麥老死風塵亦有情能無對

此飛魂魄吾聞此語獨停鞭相呼搔首問青天
青天胡不言昔之滄海今桑田

換車行

冰凍馬蹏行不止歷盡千山復千水邊門未出已難
堪況出邊門二千里瀋陽城北換柴車柴車換得無
人使坡陀木石相枝撐谷口泥淖多呀坑日日轆摧
與轂折翻雲覆雨如人情人情翻覆烏可識出門步
步行荆棘涕淚沾巾向北風但見庭闈死亦得

孤山道中

柳邊紀略五

十一

小夾河邊白日寒大孤山下路漫漫波羅葉落雲還
黑塔子頭燒雪未乾渴向瓊牆分乳酪飢隨獵馬割
麇肝中原生長何曾慣處處傷心掩淚看

次衣兒門

高岡背大道絕壁面東偏一溪何曲折冰下鳴涓涓
上有古今樹俯仰凌蒼煙下有嶙峋石錯落橫沙邊
塞門多莽莽獨此堪留連造物若無意鬼斧胡爲穿
因茲念長夏百鳥鳴其巔密葉影交覆疎花開欲然
箕倨赤雙腳科頭手一編人迹且莫到安得世務牽

管甯既未知康樂亦寡緣我獨領其要請爲來者傳

捉人行

烏臘城頭鼓聲絕烏臘城下征車發藍旗堆裏曉捉
人縛向旃牆不得脫君莫怪從來醉尉不可撓霸陵
夜夜無人行射虎將軍且不放何況區區萬里一書
生

混同江

浩浩此江流萬古爭日夜我來獨非時但見寒光射
雪埋高岸頭沙漲層冰下頓轡駑馬奔杖策車輪過

柳邊紀略五

十一

自昔戒垂堂況復騎衡坐來者縱莫欺履薄還愁破
東行出塞垣百川此爲大千山更臨江崩奔爭一罅
虎踞與龍蟠形勢良非假莫漫數金陵勃海亦其亞

宿尼什哈站

水經元菟黑山過混同青漫道無城郭相看有驛亭
糠銓以米糠粘麻楷
燃之名曰糠銓勞夢寐麥飯慰飄零明發騎鞍
馬蕭蕭逐使星時與驛
使同行

納木窩稽

跋涉過混同所歷已奇峭結束入窩稽一望更深奧

樹密風怒號崖崩石奔跳陰霾不可開白日安能照
古雪塞危途哀湍喧壞道更無人迹過惟聞山鬼嘯
車驅苦險澁換馬欲前導霜蹠偶一蹶流血霑烏帽
魂魄已莫收童僕徒慰勞死亦分所當生豈人所料
但苦歷窮荒庭闈終未到

自拉發至退屯

窮髮誰憐萬里身蕭蕭盡日逐車塵山過拉發多松
栝路道窩稽有鬼神日暮風生聞虎嘯天寒積雪少
人行淒涼不敢回頭望恐爲鄉關淚滿巾

柳邊紀略

五

三

色齊窩稽

納木五十里頗極登頓苦色齊林更深未入心已阻
豺狼逐我馳山雞向我舞谷口咆熊羆松根竄貂鼠
雲橫道不通霧黑眼若瞽幸有鑿山人乃見天一縷
架木度層岡歇鞍藉茅土纔看日色暝不覺夜已午
自衛憑野燒畏懼不敢語俄頃雪滿衣一一霑徒旅
返寒手足僵皸瘃從此數釜鬲莫爲炊調饑腹空鼓
凍餒雖切慮達曙力可努但得脫窩稽鳥道吾所取

宿賀莫索落山中

日落萬峯西荒荒路欲迷依然成露宿何必過前溪
野火憑風力孤羣仗馬嘶窮山雞犬絕莫聽五更嘯

德林石

四臂圍德林廿里平若掌鐵色蝕土花陶鑄一何廣
變態極千端寒光凌萬象玲瓏有鬼工登頓騰異響
洞壑積層冰草木猶能長不因車馬遲何由獨欣賞

沙闌

我行一月餘踏雪亦多薄今朝過沙闌羣山始玉琢
天時縱不同地氣或非昨僅乃隔一峯胡爲異南朔

柳邊紀略

五

三

素影動乾坤寒光射寥廓白日慘無輝北風淒更惡
頓轡狡兔驚揚鞭野雞落念彼多傷弓謂我能獵較
盡日逐平岡吞羶亦可嚼四顧勿復悲中原無此樂

至甯古塔

望望吉林峯白雲繞其下登頓及今朝亦得依親舍
父母驟相逢注視還相訝別時髮覆眉胡乃成老大
隣舍爭慰勞應接苦不暇姓氏未及知空言聊相借
日暮細挑燈恍若夢中夜喜極乃更悲不覺淚如瀉

又

上書不得達生男亦胡爲四十乃一來對人良可嗤
戲綵學老子挽鬚愧小兒西山日已薄鄉國歸何時
歎息謂季弟爾獨無分離承歡廿八載樂亦安能知

次韻酬周長卿

黑水城邊問老親坐中誰是故鄉人遼東俎豆今王
烈江左風流舊伯仁說到家山空想像吟成詩句最
清真平生多難傷懷抱不道逢君更愴神

又

省覲今朝塞北來知心漫許出羣才老親未得歸三

柳邊紀略五

古

浙小子空慚賦七哀故國衣冠雖不改邊門鼓角定
相催何當日下金雞赦作伴同行過誓臺

贈李召林侍御

埋輪都下問豺狼慟哭何時過樂浪絕塞人猶憐子
慶中原誰不重張綱燈舊夢依青瑣雪窖新詩滿
阜囊宣室他年君自到謾將濁酒注醕床

侍御頗
縱于酒

又

鐵面真能裂白麻避人諫草世猶誇天南恨未瞻雙
戟漠北誰知共一家板屋醉時驚箴策旃牆雪夜聽

琵琶趨庭今日兼陪從好認青門五色瓜

侍御善種瓜

次韻答吳子有明府

明府楚人

蕭蕭白髮舊爲郎大邑曾誇墨綬長
一自門栽彭澤柳更無人識令公香
十年俎豆存遼海萬里煙波夢岳陽
莫怨飄零揮涕淚管甯襦袴本尋常

贈吳英人使君

短髮今朝塞上翁當年治行是吳公
三邊冰雪春愁裏六詔風煙午夢中
阜帽本因時序易布裙不爲道途窮
挹婁城畔談經典化俗知君術素工

柳邊紀略

五

五

隨家大人過淨公吉林蘭若

淨公浙人

南極開初地西方變吉林山圍祇樹密
江到寺門深雪白支公馬沙黃長者金
冰崖仙梵響土室雨花侵學禮陪游從
閩香度碧岑贊公甘放逐惠遠愛招尋
茶椀忘天目清談見道心金匏如不惜
敢復歎升沈

至日

今年學禮過庭闈此日相看靜掩扉
風俗窮荒何處好飄零盡室幾時歸
曾無梅蘂春前放謾說段灰夜半飛
片片冰花堆雪窖還添弱線補寒衣

己巳除夕

除夕年年血淚流今年今夕亦何求老親縱未邀
恩赦絕域猶堪舞敝裘茅屋桃符仍舊俗瓦盆麥酒
是新菑歡呼不覺陶然醉忘卻家鄉萬里愁

人日陪 家大人周長卿過李召林侍御

絕塞逢人日隨行過柏臺可憐圍毳帳猶自說蓬萊
生菜盤中得冰花勝裏開故園何處是醉裏更啣杯

甯古塔雜詩

石礮圍平野河流抱淺沙土城惟半壁茅屋有千家

柳邊紀略 五

六

泣月天邊雁悲風塞上笳老親忠信在不滅住中華

北行猶有塞東去更無邊校尉乘虛幃阿機欲受屢
馬閒秋草後人醉晚風前莽勢空齊曲逍遙二十年

三

黑水新城近黃龍舊府遙甯古塔唐時為黑水府家傳肅慎矢

虎兒哈河濱時得楷矢人多寶之人煖挹婁貂殘雪埋松塔松子部人呼為

塔微風變柳條春明二三月也復種青苗

四

遼金曾建號唐宋亦經過舊迹殘碑少荒城蔓草多
三韓逃姓氏五國失山河絕域無文獻蒼茫發浩歌

五

化城開石壁燈火出林微不見乘杯渡還看卓錫歸
閒雲埋土室古佛釣漁磯佛像為阿機釣者所得怪底經行處
天花片片飛

六

城郭沙闌口荒荒草木秋地連三萬衛名是五雲樓
五雲樓在金上京城智井填銀甕春耕響玉鉤千年餘王氣今

柳邊紀略五

七

日未全收

七

山川盤地軸草木亦多宜舊塞黃榆樹官山紫樺皮

桃花水似錦桃花水果名香蓼菜如絲誰道窮邊外年年

春到遲

八

土產參為最今時貢

帝京營州非舊種上黨亦空名碧葉翻風動紅根照

眼明最佳者人形品絕貴聞說可長生
日紅根

九

更有諸珍異甯隨草木枯淺沙埋赤玉老蚌出東珠
稗子貧家少稗子在五穀上山兒菜名到處無怪來水土變今
日此陪都

十

八月松花凍家家打角鷹山邊張密網樹底繫長繩
攔虎金眸疾屠龍玉爪能攔虎屠龍皆鷹號海青如便得萬
里會騫騰

十一

柳邊紀略五

六

笑語鄉音雜衣冠上下同十年乘堡障一半是王公
辛苦頭多白沙塵眼易紅莫因遷閭左錯比五陵東

十二闕

十三

三十年前事兒童見者稀天寒曳護臘革履名地凍著
麻衣貴人乃絮麻衣禦寒雪積扒犁出雪中運木之車曰扒犁燈殘獵馬
歸只今風俗變一一比

皇畿

十四

遲日爭游宴豪家直一金不嫌几席少偏愛酒杯深
風俗誇盧橘人情厭海參渾忘絕塞苦醉裏卽狂吟

十五

年少新豐客翩翩亦自豪圍碁羣賭墅葉子日分曹
果下高麗馬腰閒大食刀可憐編卒伍萬里駕風濤
流人子弟盡充愛渾水手

十六

都護屯兵處傳聞驛幾重沙邊鉏白草雪裏試青龍
船名魚海何時到狼居自古封誰云枯萬骨王祭肯全

柳邊紀略五

九

供

十七

俗亦厭貧賤不復重冠裳販鬻皆程鄭生涯半彥方
參貂口外得牛馬谷中量翻怪中原弱窮愁徧八荒

十八

聞說羈縻國西來絕可憐冰天魚作服陸地狗行船
黑斤飛呀喀皆以船任載以狗駕轆披髮環穿鼻文身耳壓肩由來桑
梓地不是信張騫

十九

少主和親慣乘輿出塞門如何經故土亦是嫁烏孫
鷓鴣屋三春雪稜燈萬里魂琵琶談絕調夜夜泣黃昏

二十

稱藩雖漸廣文字尚無憑近塞能書木削木書之臨名曰牌子

江但結繩隨事大小結繩于腰冠裳今亦改風俗舊相仍歲歲

愁衣食春來早鑿冰

上元曲

誰道今宵是上元城頭畫角不聞喧相看獨有天邊
月萬里迢迢照塞門

柳邊紀略五

三

二

阜帽蒙頭犯朔風醉中踏月過城東無端獵火原頭
燒錯認龍燈挂碧空

三

夜半邨姑著綺羅嘈嘈社鼓唱秧歌漢家裝束邊關
少幾隊口兒簇擁過

四

翦紙爲燈號牡丹西關爆竹似長安誰家年少黃金
勒醉裏垂鞭處處看

五

銷金羅帕粉花香蟒幅齊肩錦繡裝百病年年行走
慣阿誰打滾到沙場

柳邊紀略

五

三

柳邊紀略卷之五

